

POSEBNI USLOVI I ODREDBE ZA OSIGURANJE OD OPASNOSTI ZEMLJOTRESA ZA BOSNU I HERCEGOVINU

Član 1.

Predmet osiguranja prema ovim Posebnim uslovima mogu biti samo one stvari koje su osigurane od osnovnih opasnosti po Uslovima za osiguranje od opasnosti požara i nekih drugih opasnosti.

Član 2.

Ovim osiguranjem pruža se osiguravajuća zaštita od rizika zemljotresa, uključujući požar nakon zemljotresa. Dodatno uz to, uz dodatnu premiju ovo osiguranje daje i pokriće od prekida poslovanja usljed zemljotresa.

Zemljotresom se, u smislu ovih Posebnih uslova, smatra pomijeranje tla izazvano prirodnim procesima u zemljinoj kori.

Osiguravač će naknaditi štetu nastalu usljed zemljotresa, ako se dokaže da se zemljotres, na prostoru gdje se nalazi osigurana stvar, dogodio intenzitetom od 5 ili više stepeni Mercalli-Cancani-Siebergove skale (MSC).

Član 3.

Iz pokrića su isključene štete:

- nastale usljed zemljotresa intenziteta manjeg od 5 stepeni MCS skale;
- od potresa izazvanih ljudskom djelatnošću kao što su eksplozije klasičnih i nuklearnih naprava;
- od potresa koji su nastali u rudnicima;
- koje su prouzrokovane djelovanjem nuklearne energije i radioaktivne kontaminacije;
- koje su prouzrokovane zagađenjem stvari nekim opasnim materijama koje su ispuštene, odnosno istjecale, te troškovi čišćenja takvih zagađenja;
- nastale na freskama, mozaicima i drugim ukrasnim dodacima na građevinama.

Član 4.

U smislu ovih Posebnih uslova jednim štetnim događajem smatraju se sva pomijeranja tla koja su se manifestovala unutar intervala od 72 sata od momenta prvog registrovanog pomijeranja tla.

Član 5.

Osiguranje građevinskih objekata i opreme po ovim Posebnim uvjetima ne može se zaključivati na novu vrijednost.

Član 6.

Osiguranik je dužan bez odlaganja prijaviti osiguravaču nastalu štetu i na njegov zahtjev pribaviti od Geofizičkog zavoda podatke o zemljotresu kojem pripisuje štetu.

Član 7.

U svemu što nije suprotno ovim Posebnim uslovima i pisanim odredbama polise osiguranja, primjenjivat će se **Uslovi za osiguranje od opasnosti požara** i nekih drugih opasnosti i Opšti uslovi za osiguranje imovine.